

BEHATXULO[TIK

Juantxo EGAÑA



GABRIEL ARESTI ZORNOTZAN, XABIER GEREÑOREN KAMERA AURREAN, 1968. URTEAN

1968an Euskaltzaindiaren 50. urteurrena ospatu zen. Urte hartako abenduaren 3an, urrian Arantzazun eus-kara batuaren oinarriak definitzeko egindako biltzarra-ren ondoren, Euskaltzaindiak bilera bat egin zuen Du-rangon, Disko eta Liburu Azoka zabalik zegoela-eta. Bilera hartara, besteak beste, Gabriel Aresti eta Xabier Gereño joan ziren. Abenduaren 3 hura egun euritsua izan zen, eta, Durangora joan baino lehen, akademiako bi kideak Zornotzan geratu ziren kafe bat hartzeko, urriko biltzarraz hitz egiteko. Xabier Gereñok, halaber, Gabriel Arestiri elkarrizketa egin zion, 1968ko aben-duaren 11n "Zeruko Argia" aldizkarian argitaratu zute-na. Zornotzan egindako irudia ere, elkarrizketa hura eta artikulua hau ilustratzen dituen, Xabier Gereñok egin zuen, eta, beharbada, Arestiren irudirik ezezagu-nenetakoa da. Aresti 1957tik izan zen euskaltzain oso, akademian 26 urterekin sartu ostean.